



KOMUNIKATË 26.01.2010

Komisioni Qendror i Zgjedhjeve, mbajti sot takimin e dhjetë (10) të vitit 2010. Në këtë takim të kryesuar nga Kryetarja znj. Nesrin Lushta, KQZ u informua për përgatitjet e rivotimit për kryetar të Komunave në Prizren dhe Lipjan, si dhe shqyrtoi çështje të tjera të rendit të ditës. Kryeshefi i SKQZ-së z. Xhemajl Peqani, tha se janë në fazën përfundimtare trajnimet dyditore të KVV-ve për komunën e Lipjanit dhe Prizrenit. Z. Peqani, e informoi KQZ-në se, është mbajtur takimi i katërt me forcat e KFOR-it, me policinë e ELEX-it, me OSBE-në për koordinimin e aktiviteteve që kanë të bëjnë me planin e sigurisë. Gjithashtu, janë sjellur fletëvotimet nga Sllovenia dhe janë vendosur në depon e KQZ-së. I tërë materiali zgjedhor sensitiv dhe josensitiv, do të distribuohet sot në depon e KQZ-së.

Kryeshefi z. Peqani, e ka informuar KQZ-në se, Zyra e OVPP-së ka pranuar 38 pliko në adresat e OVPP-së që konsiderohet të janë pliko me fletëvotime të vleshëme. Në bazë të marrëveshjes në mes të Departamentit të Thesarit dhe Bankës “NLB-Prishtina”, KVV-të të cilat nuk i kanë marrë mjetet, janë kthyer në Thesar dhe këto mjete do t’u barten prapë KVV-ve së bashku me kontingjentin e KVV-ve për pagesë të raundit të zgjedhjeve të përsëritura. Më 27 dhe 28 janar, do të shpërndahen pakot për vendvotime të rregullta dhe të dyfishte, kabinet votuese dhe kutitë e votimit. Më 30 janar, do të bëhet shpërndarja e materiali sensitiv në depot e KKZ-ve.

Lidhur me këtë raport, kryetarja Nesrin Lushta ka kërkuar që përgatitjet të realizohen sipas afatit, trajnimet të kryhen ashtu siç është e përcaktuar me planin përgatitor për rivotim.

Në vazhdim të mbledhjes, znj. Miradie Mavriqi drejtoreshë e Zyrës për Regjistrimin e Partive Politike, i ka paraqitur KQZ-së rekomandimet në bazë të Vendimit të datës 12.01.2010 të Komisionit Qendror të Zgjedhjeve për ripërtrirjen e distinktivëve për vëzhguesëve të akredituar më parë për vëzhgim të procesit zgjedhor, si dhe akreditimin e vëzhguesve shtesë. Zyra, deri më 25 janar, ka proceduar aplikacionet e vëzhguesve për rivotim në Prizren dhe Lipjan të katër (4) partive politike, të një (1) organizate ndërkombëtare, një (1) OJQ kosovare dhe katër (4) ambasada. Ndërsa për ripërtëritjen e distinktivëve një (1) OJQ Kosovare, dy (2) organizatë ndërkombëtare dhe katër (4) ambasada. Raporti përmban rekomandimin për akreditim të gjithsej 772 vëzhguesve si dhe për ripërtrirjen e distinktivëve të gjithsej 210 vëzhguesve. Komisioni Qendror i Zgjedhjeve, ka miratuar akreditimet për vëzhgim të rivotimit në Prizren dhe Lipjan të gjithsej, 2066 vëzhgues vendorë dhe ndërkombëtar.

Alban Muriqi, nga Zyra Ligjore, i rekomandoi KQZ-së miratimin e kërkesave të Kryesuesëve të Kuvendeve Komunale për zëvendësimin e shtatë (7) Këshilltarëve

Komunalë të komunave të Drenasit, të Kamenices, të Ferizajit dhe të Malisheves. KQZ miratoi këto zëvendësime.